

謹按易緯以辛酉爲蔀首詩緯以戊午爲蔀首依主上以戊午年爲昌泰元年其年又有朔旦冬至故論者或以爲應以戊午爲受命之年然而本朝自神武天皇以來皆以辛酉爲一蔀大變之首此事在未出之前天道自然符契然則雖有兩說猶可易緯也又

延喜元年 辛酉 革命沙汰始此時

文章博士清行朝臣奏狀三通內改元通請同人奉管丞相狀一通

〔易緯乾鑿度下〕歷以三百六十五日四分度之一爲一歲易以三百六十析當期之日此律歷數也五歲再閏故再扱而後卦以應律歷之數略註故乾坤氣合戊亥音受二子之節陽生秀白之州載鍾名太乙之精也其帝一世紀錄事明期推移不奪而消焉略註元歷無名推先紀曰甲寅略註求卦主歲術曰常以太歲紀歲七十六爲一紀二十紀爲一部首卽積置部首歲數加所入紀歲數以三十二除之餘不足者以乾坤始數二卦而得一歲末算卽主歲之卦蔀中略註卽置一歲積日法二十九日與八十一分日四十二除之得一命日月得積月十二與十九分月之七一歲略註以七十六乘之得積月九百四十積日二萬七千五百五十九此一紀也以二十乘之得積歲千五百二十積月萬八千八百積日五十五萬五千一百八十此一部首此法三部首而一元元而太歲復於甲寅更置一紀以六十四乘之得積日百七十七萬六千五百七十六略註又以六十乘之得積部首百九十二得積紀三千八百四十紀略註得積歲二十九萬一千八百四十以三十二除之得九千一百二十周此謂卦當歲者得積月三百六十萬九千六百月其十萬七千五百二十月者閏也卽三百八十四爻除之得九千四百日之二十周此謂爻當月者得積日萬六百五十九萬四千五百六十八萬一千五百二十析除之得九千二百五十三周此謂析當日者而易一大周律歷相得焉略註今入天元二百七十五萬九千二百八十歲昌以西伯受命受洛書命爲天子也入戊午蔀二十九年伐崇侯作靈臺改正朔布王號於天下受錄應河圖

〔本朝文粹七〕奉管右相府書

善相公